

勅修百丈清規卷第四

黜四

大智壽聖禪寺住持臣僧德輝奉 勅重編

大龍翔集慶寺住持臣僧大訢奉 勅校正

兩序章第六

兩序之設爲衆辦事而因以提綱唱道黼黻

黜四

宗猷至若司帑庾歷庶務世出世法無不開習然後據位稱師臨衆馭物則全體備用所謂成已而成人者也古猶東西易位而交職之不以班資崇卑爲謙今岐而二之非也甚而黨鬪強弱異勢至不相容者有矣惟主者

申祖訓以戒之欲其無爭必慎擇所任使各當其職人無間言可也

西序頭首

前堂首座 表率叢林人天眼目分座說法開鑒後昆坐禪領衆謹守條章齋粥精粗勉諭執事僧行失儀依規示罰老病亡歿垂恤送終凡衆之事皆得舉行如衣有領如網有綱也雖大方尊宿若住持能以禮致之亦請充此職謂之退位爲人如文殊爲七佛師猶助釋迦揚化爲衆上首吾宗睦州於黃檗雲

門於靈樹光昭前烈詒訓後來名位之重可輕任耶

祖庭事苑云首座即古之上座梵語悉替那此云上座一耆年二貴族三先受戒及證道果今禪門所謂首座者必擇其已事

已辦衆所服從德業兼修者充之

後堂首座 位居後板輔贊宗風軌則莊端爲衆模範蓋以衆多故分前後齋粥二時過堂及坐禪則後門出入如缺前堂住持別日上堂白衆請轉前板挿單唱食其坐禪坐衆

只衆寮前第三下板即入堂不必鳴首座寮前板餘行事悉與前堂同

書記 即古規之書狀也職掌文翰凡山門榜疏書問祈禱詞語悉屬之蓋古之名宿多奉朝廷徵召及名山大刹凡奉

點四

二

聖旨勅黃住持者即具謝表示寮有遺表或所賜所問俱奉表進而住持專柄大法無事文字取元戎幕府署記室叅軍之名於禪林特請書紀以職之猶存書狀列於侍者使司方文私下書問曰內記云而名之著者自黃

龍南公始又東山演祖以是職命佛眼遠公
欲以名激之使兼通外典助其法海波瀾而
先大慧亦嘗充之凡居斯職者宜以三大老
爲則可也

知藏 職掌經藏兼通義學凡看經者初入

經堂先白堂主同到藏司相看送歸按位對
觸禮一拜此古規也今各僧看經多就衆寮
而藏殿無設几案者然充其名當盡其職函
帙目錄常加點對缺者補完蒸潤者焙拭殘
斷者粘綴若大衆披閱則藏主置簿照堂司

永樂北藏

百丈清規

所排經單列名逐函交付看畢照簿交收八
藏庶無散失推原吾宗既曰教外別傳猶命
僧專司其藏者何也以佛之所言所行爲教
律而僧有不遵佛之言行乎特吾之所證所
得不溺於文字而超乎言行之表以見夫自

點四

三

性之妙焉又祖之意欲吾徒徧探諸部與外
之百氏期以折衝外侮應變無窮所謂不即
不離者是也後以衆多列東西藏

知客 職典賓客凡官員檀越尊宿諸方名
德之士相過者香茶迎待隨令行者通報方

第一九四冊

丈然後引上相見仍照管安下去處如以次人客只就客司相款或欲詣方丈庫司諸寮相訪令行者引往其旦過寮床帳什物燈油柴炭常令齊整新到須加溫存維那在假則攝其行事僧堂前檢點行益客僧粥飯遇亡

僧同侍者把帳暫到死主其喪雪竇在大陽禪月在石霜皆典此職毋忽

知浴 凡過開浴齋前掛開浴牌寒月五日一浴暑天每日淋汗鋪設浴室掛手巾出面盆拖鞋腳布叅頭差行者直浴齋罷浴頭覆

維那首座住持畢鳴鼓三下浴聖桶內皆着少湯燒香禮拜想請聖浴次第巡廊鳴板三下徧鳴鼓第一通僧衆入浴第二通末頭首入浴第三通行者入浴此時住持方入以屏風遮隔而浴第四通人力入浴監作行者知

事居末浴就彈壓之併點視令息竈中火及

炭煤水洒乾淨有餘柴搬於遠處其入浴資

次當刊揭浴室外

今時謂住持殿頭首後浴知事縱行者後浴非也如

住持有故欲同頭首先浴則不用設

并障不入小閣內只頭首板頭解衣室內掛

小板旁釘小牌書云

鳴鼓一聲添湯二聲止以爲

如施主設浴則課經回向能妙觸宣明成佛
子住則功不浪施矣

知殿 掌諸殿堂香燈時時拂拭塵埃嚴潔
几案或遇風起須息爐內香火及結起幡腳
防願使勿近燈燭施主香錢不得互用佛誕

點四

四

日浴佛煎湯供大眾四齋日開殿門以便往

來瞻禮

侍者

燒香書

侍者之職最爲近密觀道德於

前後聽教誨於朝夕親炙叅扣期法道底于
大成而禮節常宜恭謹慶喜之侍瞿曇香林

之侍雲門佛祖重寄其可忽諸

凡住持上堂小叅普說開室念誦放叅節臘
特爲通覆相看掛搭燒香行禮記錄法語燒
香侍者職之 凡住持往復書問製作文字
先具草呈如闕書記山門一應文翰書狀侍

者職之 凡住持應接賓客管待尊宿節臘

特爲具狀行禮請客侍者職之或維那知客

俱不赴衆或在假其行事三侍者皆當攝之

或云書狀下當
干涉餘事無據若住持久出則歸衆行立暫

出則不離班位

衣鉢侍者

班立

先輩多以叢林老成之士為

之蓋能納忠救過羅致人才內外庶事通變
圓融庶幾上下雍肅如密菴有如侍者而得
松源世其家東叟得昇首座而家法益嚴今
諸方往往任後生晚輩甚致敗德悞事可不

點四

五

慎歟

湯藥侍者

班立

朝暮供奉方丈湯藥左右應接

佐助衣鉢侍者撫恤近事行僕或暫缺侍者
客至通覆燒香或缺人回向皆宜攝行須擇
年壯謹愿者充之

聖僧侍者

班立

行道堂外

來後

貴有道心齋粥二

時上供鳴下堂推朝夕交點被位中夜剔燈
同維那交收亡僧唱衣錢住持遷化把帳頭
首秉拂則為燒香或代鳴椎念佛職滿在本
山當預侍者名退耕斷橋二老在衆時常充

此職以能結衆緣而勵志于道也

東序知事

都監寺

古規惟設監院後因寺廣衆多添

都寺以總庶務早暮勤事香火應接官員施
主會計簿書出納錢穀常令歲計有餘尊主

愛衆凡事必會議稟住持方行訓誨行僕不
妄鞭撻設當懲戒擯罰亦須稟議量情示警
毋縱威暴激變起訟差設莊庫職務必須公
平毋用私黨致怨上下昔叢林盛時多請西
堂首座書記以充此職而都監寺亦充首座

書記否則必臘高歷事廉能公謹素爲衆服
者充之既無取於公而道福殊勝上下美留
雖連年不易或數請再充又何傷焉故所在
單寮勤舊不滿五六人副寺以下非歷三次
不歸前資監寺非三次不歸蒙堂都寺非三

次不得居單寮再請出充者公界封鎖元房
以避嫌疑齋粥二時必赴堂則行僕行益自
然整肅如楊岐之輔慈明石窻之輔宏智可
爲法則

僧史曰知事三綱者若網罟之巨繩提之

釋四

六

則百目正矣梵語摩摩帝此云寺主即今
之監寺也又大集經云僧物難掌我聽二
種人掌三寶物一阿羅漢二須陀洹更復
二種一能持淨戒識知業報者二畏後世
罪有諸慙愧者

維那 網維衆僧曲盡調攝堂僧掛搭辨度牒真偽衆有爭競遺失爲辨柝和會戒臘資次床層圖帳凡僧事內外無不掌之舉唱回向以聲音爲佛事病僧亡僧尤當究心每日二時赴堂堂前鐘鳴離位入堂聖僧前左手上香退兩步半問訊合掌而入推邊立先看逐日回看神示名位鐘鼓絕鳴椎一下衆展鉢已再鳴椎一下合掌默回向當日神示左手按砧舉云仰憑大衆念清淨法身毗盧遮那佛圓滿報身十號云云右手鳴椎高不過五寸聲絕方下椎急緩合度

俟首座唱食至第三句將畢轉身退至立僧板頭立俟行食徧進前鳴椎一下合掌至聖僧前問訊出堂歸鉢位若施主齋僧行臘徧食椎後從聖僧後轉左遶朝首座問訊復鳴椎一下而出爲請施財也或有他緣或暫假出入將戒臘簿假簿堂司須知簿親送過客司令攝之

寄歸傳云維那華梵兼舉也維是網維華言也那是梵語羯磨陀那剛去三字從畧此云悅衆也又十誦律云以僧房中無人

知時打捷

巨案推地音

又無人塗治掃洒講

堂食處無人相續鋪床衆亂時無人彈壓等佛令立維那又聲論翻爲次第謂知僧事之次第也

副寺 古規曰庫頭今諸寺稱櫃頭北方稱

財帛其實皆此一職蓋副貳都監寺分勞也掌常住金穀錢帛米麥出入隨時上層收管支用令庫子每日具收支若干僉定飛單呈方丈謂之日單或十日一次結筭謂之旬單一月一結一年通結有無見管謂之日黃總

永樂北藏

百丈清規

薄外有米麵五味各簿皆當考筭凡常住財物雖毫末並是十方衆僧有分如非寺門外護官員擅越賓客迎送慶吊合行人事並不可假名支破侵漁其上下庫子須擇有心力能書筭守已廉謹者爲之病僧合用供給之

物即時應付如倉庫踈漏雀鼠侵耗米麥蒸潤一切物色頻放守護有不如法者並須及時照管處置

典座 職掌大衆齋粥一切供養務在精潔物料調和檢束局務護惜常住不得暴殄訓

第一九四冊

衆行者循守規矩行益普請不得怠慢撫恤
園夫栽種及時均俵同利二時就厨下粥飯
食不異衆粥飯上桶先望僧堂焚香設拜然
後發過堂

直歲 職掌一切作務凡殿堂寮舍之損漏

點四

者常加整葺動用什物常閱其數役作人力
稽其工程黜其游墮毋縱浮食蠹財害公田
園莊舍碾磨碓坊頭疋舟車火燭盜賊巡護
防警差撥使令賞罰惟當並宜公勤勞逸必
均如大修造則添人同掌之

列職雜務

寮元 掌衆寮之經文什物茶湯炭請給
供需洒掃浣濯淨髮梳巾之類每日粥罷令
茶頭行者門外候衆至鳴板三下大衆歸寮
寮長分手寮主副寮對面左右位副寮出燒
香歸位茶頭喝云鉢大衆和南遇旦望點湯
鳴板集衆燒香行湯如常禮寮主副寮 凡
安衆處寮元照戒次自下而上請充之寫定
名字預貼牌上十日一替佐寮元辦事旦暮
僧衆歸堂巡視經案或有遺忘什物者眼同

收拾付還及交點本寮什物提調香燈茶湯
母容外人止宿及寄賣物件猶預定望寮一
名使以次挨補副寮若寮主遇滿從維那請
交代副寮遇滿從寮元請交代延壽堂主
看視病僧湯藥油燭炭火粥食五味常備供

點四

九

須公界倘缺若自己豐裕結緣應付或勸化
施主措辦床席衣被狼藉穢污為其洗浣母
生憎嫌八福田中直病為第一也

淨頭 掃地裝香換壽洗厠燒湯添水須是
及時稍有狼藉隨即淨治手中淨桶點檢添

永樂北藏

百丈清規

換凡供此職皆是自發道心將交替時堂司
預出小榜云下次淨頭缺人如願結緣者收
榜白堂司然後覆住持請充之

化主 凡安眾處常住租入有限必籍化主
勸化檀越隨力施與添助供眾其或恒產足

用不必多往干求取厭也

園主 不憚勤苦以身率先栽種菜蔬及時
灌漑供給堂厨母使缺乏

磨主 兼主碓坊米麴供眾極有關係須擇
有道心人諳曉春磨等事者充之

第一九四冊

水頭 五更燒湯供大眾額盥手巾面盆燈
燭牙藥母令缺少冬月烘焙手巾須早起鋪
排勿致臨時動衆念

炭頭 預備柴炭以禦寒事或化施主或出
公界須令足用

莊主 視田界至修理莊舍提督農務撫安
莊佃些少事故隨時消弭事關大體申寺定
奪近時叢林凋弊百出而莊中尤甚畧舉其
三諸方通害初爭莊職安能徧及構怨住持
上下不睦一也一充其職離寺相遠靡所不

爲致爭起訟供衆錢糧盡皆耗費復積逋負
以累于後因而紀綱不振莊佃生侮租課不
還其弊二也縱使老成能事充之而州縣應
酬吏胥管幹鄉都職役鄰里富豪背合追陪
既啓其端稍有不及便生罅隙雖不明支而

點四

十

巧立除破公私無益故莊中之費或半於寺
其弊三也只如大家業產巨富不聞分遣子
弟徧居莊所蓋耕種有佃提督則有甲幹收
租之時自有監收僧行此外縱有輸納修圩
依糧等項只臨時分委勤舊知事限期使辦

事畢旋歸非唯省費有補常住而消禍未萌
公私攸濟今諸方之廢如逃亡家住持勤舊
能恤念寺門欲搏費救弊汰除濫冗請自此
始其初例有當重難而應充莊職者別議酬
補之

諸莊監收 古規初無莊主監收近代方立
此名此名一立其弊百出焉住持私任匪人
者有之因利徇者有之爲勤舊執事人連
年佔充者有之托勢求充者有之樹黨分充
者有之角力爭充者有之蠹公害私不可枚

舉雖欲匡救末如之何倘得廉正勤舊輔佐
住持公選區用或對衆闡拈之充充此職者
當充已爲念奉衆爲心毋苛取佃戶毋虧損
常住則自他俱利矣

請立僧首座

點四

其事嚴重不可輕舉如大方西堂名德首座
行解素爲衆所推服者委曲陳情如有允意
特爲上堂言此間多衆宜得當人相與建立
法幢開大爐鑪山中幸有某人知見高明慧
命所寄少刻下座同兩序大衆拜請爲衆開

室伏望慈悲特垂開允下座方丈行者以梓
袂盛入室普說二牌即於座下同大衆拜請

詞云大衆領心久思示誨伏望慈悲特賜開允受請人隨詣方丈

炷香觸禮拜謝詞云某甲幸獲依棲貴國歲抽旣蒙見來不敢有違

答云佛法寄重謝已堂司行者鳴僧堂鐘大

衆同送歸寮住持對觸禮一拜送出次與大

衆問訊維那詣寮議請侍者一人掛普說牌

預鋪設照堂禪椅拂子主丈爐燭鳴鼓一通

衆集立定立僧歸位維那出班燒香同大衆

再下拜伸請立僧跌座兩序問訊住持問訊

立僧普說竟維那同大衆再下拜伸謝立僧

即懷香詣方丈致謝兩展三禮詞云既蒙使

承當慈悲包荒不勝愧悚仍往庫司諸寮舍問訊方丈備

草飯請特爲湯藥石至晚湯果兩序光伴立

僧侍者預席次日住持請僧堂特爲茶請客

侍者具茶榜後見詣寮挿香拜請禮與特爲

新首座同立僧當特爲首座大衆茶與前堂

特爲後堂大衆禮同別日方丈管待請兩序

光伴

請名德首座

住持須預稟露如有允意方丈先請茶兩序
光伴即鳴鼓陞座更不報衆住持委曲致懇
下座與大衆同伸拜請鳴鐘送歸寮茶湯管
待禮與前同進退不混兩序無交代也

榜

堂頭和尚今晨齋退就雲堂點茶特爲
新命首座聊旌陳賀之儀仍請

點四

式

諸知事 大衆同誦 光伴
今月 日侍司 共敬白

兩序進退

頭首務擇才德相當者爲之而近之庸流青
以飲食延接爲事使守貧抱道之士愈甘退
藏叢林何由歆艷住持當革其弊可也知事

永樂北藏

百丈清規

古規只列監院維那典座直歲庫頭五員而
已職滿鳴椎白衆告退歸堂隨衆初無單寮
榻位故叢林鼎盛近來諸方大小勤舊動至
百數僕役倍之而僧堂閒無一人泰定間脫
歡丞相領行宣政院分上中下三等寺院額
定歲請知事員數正爲此也宜遵行之凡職
事將滿預詣方丈稟退如擇進退日定住持
令行者報兩序知當晚昏鐘鳴舊知事一班
詣方丈種香告稟觸禮一拜納庫記鑰匙而
退就中或有再留者住持隨送到庫司侍者

第一九四冊

煇香點湯勉留次早五更鐘鳴頭首一班懷香詣方丈觸禮一拜告退或有留者亦同前禮點湯留之住持以擇定人名日子并西堂勤舊令客頭行者請粥罷會茶其舊知事一班候僧堂行粥徧從後門入上首鳴椎一下

點四

十三

云白大衆某等昨蒙堂頭和尚慈旨令歸庫

再鳴椎一下從聖僧左出住持前兩展三禮

初展云某等昨蒙堂頭和尚慈旨令歸庫再展叙寒溫

畢觸禮三拜退身從聖僧右出聖僧前大展

三拜轉身從首座板起巡堂一匝中間問訊

而退粥罷行者寺請新人至寢堂獻茶畢住持躬起燒香一炷歸位白云前兩序告退此請某一人充知事某一人充住持出就爐前立侍者揖請新人至住持前對觸禮一拜新知事同進前兩展三禮初展云某等昨入衆林諸

下情不勝再展云即日時令謹時共惟堂

禮三拜住持答一拜新頭首進前兩展三禮

致詞同前轉位獻湯咸淳規揖坐揖香揖湯

晚有特焉此可免湯罷謝禮或展或免供頭

講不講在住持意鳴僧堂鐘大衆歸鉢位立定住持入堂先送

前堂首座以次頭首隨歸鉢位各觸禮一拜
次送後堂對觸禮一拜新事一班預立於
西堂板頭住持歸位維那往往住持前問訊側
立如維那已退則知住持付目子與之當面
問訊從聖僧後轉鳴椎一下云白大眾前知事告退此務

不可缺人適奉堂頭和尚慈旨請復鳴椎一
某入某職某人充某職職謹白下侍者即揖請新事一班住持持前觸禮
一拜維那白云諸知事又鳴椎一下知事一班
兩展三禮致詞並與前同知事轉聖僧後右出聖僧
前排立大展三拜維那引巡堂一匝歸中問

訊橫退過西堂板頭立堂司行者喝云白大眾
新事普同觸禮一拜畢又喝云謝新事禮普
同觸禮一拜畢又喝云大眾送新事知事歸庫司供頭行
者鳴僧堂鐘住持送入對觸禮一拜送住持
出與舊人交代互轉身對觸禮一拜送舊人

出侍者先賀次頭首領眾賀畢行者喝云白大眾
送新首座歸寮再鳴鐘送賀畢喝云大眾送新首座歸寮
鳴鐘送賀畢逐一喝云兩班勤舊送新後堂
歸寮送賀交代禮並同前又各喝云首座勤舊送新後堂
亦鳴鐘送賀畢各喝云兩班勤舊送新後堂

堂前禮亦如前送住持出寮主先相接交互
轉身對觸禮一拜不送出然後受賀俱畢新
舊人各懷香即詣方丈拜謝新人香係庫司
備謝畢新舊人同巡察方丈請半齋點心齋
時草飯仍請西堂勤舊光伴列職雜務待請

兩序了別日詣堂司告退次第擇人交替

掛鉢時請知事

有處住持不先和會默擇人定預分付堂司
行者於僧堂早粥罷掛鉢時喝云大衆少力
維那入聖僧前燒香巡堂一匝至住持前問

訊側立住持付所請人名目子接訖當面問
訊從聖僧後轉鳴椎一下云白大衆適奉堂
衆人元逐一白訖侍者揖請新人至住持前
受職與前禮同曰方丈會茶請頭首禮並同
前

點四

十五

侍者進退

請兩序畢舊侍者隨住持上方丈咨稟云衆
父侍和尚今秋告退持香大履三拜而退住
持批下堂司請新侍者維那令行者照批請
仍請寮元勸請同就堂司茶揖入燒香點茶

畢起身再燒香入云適奉堂頌和尚慈旨令請其田上座充其侍者逐一白訖揖受請人進前普觸禮一拜轉位維那行禮揖坐揖香歸位坐獻湯畢引上方丈住持出維那進前稟云適奉慈旨令請其侍者充其侍者今引禮拜住持據坐新侍者挿香大展三拜畢維

那送歸寮對觸禮一拜侍者送出却與舊人交代頭首禮同咸淳規戒亦有住持自送侍者歸寮侍者當觸禮一拜送出至大殿或若名德之士住持躬送入寮對觸禮一拜維那攸賀而已多禮焉常方丈行者直廳轎轎拜賀堂司行者引新舊侍者同巡察畢新侍者再上方丈炷香拜謝舊

侍者早晚伺同新侍者方丈問訊三日後住持批下堂司送歸衆寮與維那交互對觸禮一拜送維那出次與寮元問訊畢仍上方丈炷香拜謝聖僧侍者係維那擇人和會充職後引上方丈禮拜隨例茶湯點心管待

寮舍交割什物

寮舍什物常住置辦不易往往職事人視為傳舍臨進退時鄉人各自搬移蕩然一空吏新入寮者茫無所措未免具數到庫司需索不至因此上下唇吻不安設若應副重費常

住庫司當置總簿具寫諸寮什物住知知事
僉定仍分置小簿付諸寮兩相對同新舊相
泐交割損者公界修補缺者本寮賠償將進
退數日前副寺帶行者賞簿到各寮預先點
對分曉責在本寮人僕母得走失違者賠償
照四
或有增添數目隨即同附簿庶可稽考也
十六

方丈特為新舊兩序湯

請客侍者令客頭行者備拌祇爐燭詣新舊
前堂首座虔炷香觸禮一拜稟云
堂頭和尚
請各前就
寮堂特
為獻湯
次新舊都寺前炷香無拜詞語同前

以次新舊兩序令客頭請并請勤舊光伴釘
掛寢堂鋪設坐位光伴分手新頭首一出新
知事二出舊頭首出舊知事四出餘勤舊預
光伴者列主伴兩邊西序居左東序居右燒
香侍者預排照牌至時鳴鼓客集同請客侍

者行禮

禮同
小座湯

至脫湯果次日粥罷請新舊

人茶庫司亦請茶然不及赴赴方丈茶罷却
往致謝半齋庫司點心仍提調送舊人粥飯
三日

堂司特為新舊侍者茶湯

草飯罷維那令堂司行者請新舊侍者并聖
僧侍者參前就寮獻湯堂司設位排照牌請
寮元光伴鳴寮前板接入揖生禮與庫司同當在
方丈特爲湯之先庶不相妨行禮候方丈特
爲新首座茶罷則堂司亦請新舊侍者特爲

點四

十七

茶次日當專致謝

庫司特爲新舊兩序湯藥石

草飯罷令客頭行者備盤袱爐燭上首知事
詣新舊首座舊都寺虔炷香詞云今晚方丈湯罷就庫
司特爲獻湯客頭隨後請云湯罷就庫及請新
伏望降重

永樂北藏

百丈清規

舊大小職事仍請西堂勤舊光伴設位排照
牌位分四出新頭首一出舊頭首二出舊知
事二出莊庫四出新知事亦依班排位獨維
那就座光伴勤舊如方丈排位候方丈湯罷
庫司鳴板各依照牌立定都寺巡座揖坐畢

燒香揖香依坐位出頭巡問訊歸中燒光拌
香歸位坐進湯湯罷起身出詣爐前謝湯畢
抽衣就坐藥石

堂司送舊首座都寺鉢位

維那於兩序進退三日後未開靜時分付堂

第一九四冊

司行者引人力挑燈請舊首座都寺就堂司
獻湯維那接入炷香喫湯畢白清職既滿
山門禮合
延送鉢位引至僧堂從後門入先送首座次送都
寺歸各板頭各觸禮一拜當日掛鉢赴堂
方丈管待新舊兩序

住持特爲上堂一一標名叙謝畢新舊人就
座下拜謝請客侍者令客頭行者備拌袂爐
燭香合詣新舊首座都寺前炷香陳請云大方
和尚午刻請
就寢堂管待客頭請以次新舊人并勤舊光
伴寢堂設位排照牌客集報住持出接各入

座依照牌立定燒香侍者與請客侍者巡揖
坐畢燒香進卓侍者一班列住持前問訊入
位行湯下食畢至行飯時燒香侍者離位燒
香下颺飯畢退卓鳴鼓講茶禮與特爲鳴鼓
湯禮同
三下退座新舊人兩展三禮拜謝

點四

十八

方丈特爲新首座茶

管待了次早燒香侍者覆住持令客頭行者
備拌袂爐燭香合請客侍者寫茶榜式見前
座同詣首座寮炷香觸禮一拜稟云堂頭和尚
伏望降重客頭報衆掛點茶牌仍請知事

大衆光伴排照牌侍者行禮並與四節持爲

不安香几無禮畢先收首座住持蓋首座直

趨住持前行禮初展云此日特蒙煎點禮意

至再展叙寒溫畢觸禮三拜首座從聖僧後

右出堂前住持相送復位執盞侍者燒光伴

香畢收盞鳴鼓三下退座首座仍於法堂下

間候住持謝茶

新首座特爲後堂大衆茶無後堂則以次頭首

方丈特爲茶了次早新首座懷香詣方丈拜

請云齋退持爲後堂首座大衆施具狀後見

備盤袱爐燭詣後堂首座寮炷香拜請云今

齋退就雲堂點茶呈納狀訖特爲人令本寮

茶頭遞付供頭貼僧堂前下間封皮粘狀前

次令堂司行者報衆掛點茶牌長板鳴僧堂

內巡請茶鳴鼓集衆行禮並與常特爲禮同

點四十九

狀

前堂首座止在茶在茶今晨齋退就雲堂點茶一小時爲後堂首座大衆仍請諸知事同赴

住持垂訪頭首點茶

茶湯禮畢住持齋罷往諸頭首寮點茶從容

溫存點檢缺乏隨令庫司措辦

兩序交代茶

同方丈特爲新首座茶畢次第新職事具威儀懷香躬詣各受代人處挿香對觸襦一拜請云商退糾屈尊隨令茶頭請兩序各一人東西序勤舊各一人光伴西序請茶則知事分手坐於同列頭

首中請角下一人光伴如肩上人赴坐位相妨東序請茶則頭首分手坐如維那位居東序請茶時角下寮中向內設特爲位主席分手位左右光伴人位齋退鳴寮前板接受持爲人次接光伴人入位揖坐燒香揖香燒光伴香入座下茶茶畢受代人起將元請香挿爐

中觸禮拜謝而退次日令堂司行者請交代點心名勝一人光伴前堂首座則請西堂勤舊各一人光伴若庫司一班請西堂勤舊頭首光伴庫司釘掛向裏設特爲位左右排光伴位頭首與主席分手同序隨班位次日點

心坐位同前西序止於知客東序止於維那凡侍者交代茶與點心當請維那光伴設位行禮皆近時點心因而請客請鄉曲非禮也

入寮出寮茶

入蒙堂者白寮主掛點茶牌牌左小紙貼云

恭拜請公衆齊退就上堂齊罷備香燭普同問訊揖寮主居主位點茶人居賓位畧坐起身燒香問訊復坐點茶收盞寮主起爐前相謝自蒙堂出充頭首者點交代茶畢別日令茶頭報寮主掛點茶牌齊退鳴寮中小板點茶人門

點四

二十

外右立揖衆入爐前問訊寮主主位點茶人分手位畧坐起身燒香問訊復坐獻茶了寮主與衆起身爐前致謝送點茶人出自衆寮出充頭首者令茶頭預報寮主掛點茶牌齊退鳴板先到衆寮門外右立揖衆入位立

定問訊揖坐進中間上下間燒香復中間上下間問訊仍中央問訊寮元揖點茶人對面位坐行茶畢寮元出爐前致謝送出入衆寮者點茶禮與出寮茶同但寮元寮長分賓主位自不可入位坐

頭首就僧堂點茶

伺點出寮茶畢具茶榜或見後令茶頭貼僧堂前下間具威儀請方丈請茶諸寮掛點茶牌報請預令供頭燒湯出盞庫司備茶燭齋畢就坐點茶頭首入堂炷香行茶與旦望禮同

新式

某家合眾不敢坐
中代聖眾慈同
本山諸事禪師
訓曲道諸禪師

邀今晨齋過就雲堂點茶一
時重今月共住某拜請
江湖名勝禪師
合堂尊眾禪師

兩序出班上香

凡出班上香行香鳴鈸維那出爐前向外偏
立揖住持上香侍者次揖兩序相朝而出轉

點西

三二

身問訊住持

謂之

然後上香

若聖師忌無僧

香問訊有立班西堂當先上香或謂首座已
出世當先上香者非蓋必與都寺同出班故

西序章終

大眾章七

歸虛之水鄧林之木以聚者衆也今夫大方
居衆千百倒廩而炊赭山而爨亦其所聚也
而四方之來如歸若已所固有者果何爲哉
蓋佛以人之流轉三界出沒生死惟明道悟
性以超于妙覺則群生異類咸資其善而訓其
徒以肖已爲然故人人待其徒猶待其師雖
摩肩接踵而至惟恐奉之不及不以其衆而
少怠也不然則有以尺地斗粟而相訟者多
矣豈其獨愚甘委其貲以廣吾居輟其殮以
食吾徒吾徒之食于斯居于斯果何爲哉果

何爲哉

勅修百丈清規卷第四

永樂北藏

百丈清規

第一九四冊

永樂北藏

百丈清規

第一九四冊